



SAKSPAPIR

Saksnr	Utval	Type	Dato
05/2019	Levekårsutvalet	PS	18.02.2019
11/2019	Kommunestyret	PS	04.03.2019

Sakshandsamar	Arkiv	ArkivsakID
Ann Kristin Bolstad	FE-205, FA-A22	18/1413

FORELDREBETALING I SFO

Rådmannen sitt framlegg til vedtak:

Kommunestyret godkjenner følgjande satsar for foreldrebetaling for skulefritidsordninga (SFO) i 2019:

- Timepris i SFO er kr. 27,- i 2019
- Søskensmoderasjon med 30 % for barn nummer to og 60 % for barn nummer tre og fleire, skal gjelde uavhengig om barn frå same hushalninga går i barnehage eller SFO
- Foreldre har rett til redusert pris om makspris for plass i SFO er høgare enn 6 prosent av den samla inntekta til hushaldninga, eller den samla inntekta til hushaldninga er lågare enn 533.500 kroner

Levekårsutvalet - Sak 05/2019

LEV - Behandling:

Tilleggsframlegg frå Magne Hestad:

Levekårsutvalet ber om ei evaluering av ordninga før budsjettprosessen 2020 kjem i gang.

LEV - Tilråding:

Kommunestyret godkjenner følgjande satsar for foreldrebetaling for skulefritidsordninga (SFO) i 2019:

- Timepris i SFO er kr. 27,- i 2019
- Søskensmoderasjon med 30 % for barn nummer to og 60 % for barn nummer tre og fleire, skal gjelde uavhengig om barn frå same hushalninga går i barnehage eller SFO
- Foreldre har rett til redusert pris om makspris for plass i SFO er høgare enn 6 prosent av den samla inntekta til hushaldninga, eller den samla inntekta til hushaldninga er lågare enn 533.500 kroner
- Levekårsutvalet ber om ei evaluering av ordninga før budsjettprosessen 2020 kjem i gang.

Saksopplysningar:

Kort om saka

Kommunestyret har vedteke å redusera foreldrebetaling i skulefritidsordninga med kr. 1 mill. Saka belyser ulike reduksjonar i foreldrebetaling for born i skulefritidsordninga i Vaksdal:

- ein generell reduksjon i foreldrebetaling

- søskenmoderasjon på tvers av barnehage og skulefritidsordninga
- ein reduksjon i foreldrebetalinga for familiar med låg inntekt

Heimel

Kommunestyret vedtok i møte 10. desember 2018 sak 85/2018 reduksjon i foreldrebetaling i SFO og oppretting av søskenmoderasjon: *Kommunestyret ber om ei sak om søskenmoderasjon som skal gjelda for foreldre med fleire barn i barnehage, foreldre med fleire barn i SFO og foreldre og foreldre med barn både i barnehage og SFO. Vurdering av reduksjon for familiar med låg inntekt.*

Bakgrunn for saka

I samsvar med oppdrag i formannskapsmøte 23. april 2018 la rådmannen fram ei utgreiing om gratis skulefritidsordning (SFO) i Vaksdal som meldingsak i formannskapet 19. november, sak 74/2018.

I saka vart SFO belyst som lærings- og sosialiseringsarena, deltaking i SFO, økonomiske konsekvensar og ulike mogelege alternativ, samt kva sentrale styringdokument seier og opningstider og prisar i SFO i Vaksdal pr. i dag.

Utgreiinga viste at dei økonomiske konsekvensane knytt til gratis SFO for alle i 1. – 4. årssteg i Vaksdal er store, med reduksjon i inntekta med kr. 2 – 3 mill og ei eventuell auke i bemanning.

Staten legg til grunn at SFO kan finansierast etter sjølvkostprinsippet, dvs. at brukarbetalinga dekkjer kostnadene med SFO. I Vaksdal er finansieringa supplert med kommunale løyvingar i årsbudsjetta.

Staten Vaksdal har god deltaking av barn i SFO samanlikna med nærliggande kommunar og kommunar i kostragruppe 2 og 3. Vaksdal har om lag same deltaking i SFO som Hordaland og landet. Det er flest barn som deltek i SFO på 1. og 2. årssteg, medan det vert færre på 3. og særleg 4. årssteg. Andre kommunar opplever den same nedgangen dess eldre barna vert.

I samband med handsaming av budsjett for 2019, sak 85/2018 vedtok kommunestyret ein reduksjon i foreldrebetalinga i SFO innanfor ei totalramme på 1 mil. kr. Kommunestyret bad om ei sak om søskenmoderasjon som skal gjelda for foreldre med fleire barn i barnehage, foreldre med fleire barn i SFO og foreldre og foreldre med barn både i barnehage og SFO. Vurdering av reduksjon for familiar med låg inntekt var òg ein del av vedtaket.

Vurdering

I det følgjande vil generell reduksjon i foreldrebetaling, søskenmoderasjon og reduksjon i foreldrebetaling for familiar med låg inntekt verta vurdert kvar for seg.

Tal barn som ligg til grunn for alle utrekningane er usikre. Dette gjeld både kor mange barn som faktisk vil gå i SFO, kor mange barn som vil få søskenmoderasjon og kor mange familiar med barn i SFO som har låg inntekt. Tala som er lagt til grunn er gjennomsnitt tal barn i SFO dei siste tre åra og erfaringstal frå barnehage gjeldande familiar med låg inntekt.

Generell reduksjon i foreldrebetalinga i SFO

Foreldrebetaling i SFO er basert på timar borna har høve til å gå i SFO. Tal timar i SFO varierar frå skule til skule på grunn av ulike start- og sluttidspunk på skuledagen. Utrekningane er difor gjennomsnittet for SFO samla.

I budsjett 2019 la rådmannen til grunn ein timepris på kr. 32,-. Gjennomsnittskostnaden for foreldre med eitt barn, heil plass, ville med timepris på kr. 32,- vore kr. 2883,- mnd (kr. 31 708,- årleg).

Det er gjort ulike gjennomsnittlege berekningar for reduksjon i den generelle foreldrebetalinga med 115 barn som grunnlag.

Under viser oversikt med ulike timeprisar og kva reduksjon i inntekta det vil ha:

Kr. 28,-	kr. 2 522,- mnd	kr. 27 742,- årleg	Redusert inntekt SFO kr. 456 033,-
Kr. 27,-	kr. 2 432,- mnd	kr. 26 755,- årleg	Redusert inntekt SFO kr. 569 566,-
Kr. 26,-	kr. 2 342,- mnd	kr. 25 765,- årleg	Redusert inntekt SFO kr. 683 416,-

For å kunne dekke ny søskenmoderasjon og eventuelt reduksjon for foreldre med låg inntekt innanfor ramma av 1 mill. kroner vurderer rådmannen timepris på kr. 27,- som rett nivå.

Kostnadar knytt til reduksjon i foreldrebetaling, kr. 27,- pr. time, er rekna til om lag kr. 570 000,-.

Søskenmoderasjon

Vaksdal kommune har pr. i dag ordning med søskenmoderasjon i barnehage og SFO, ei ordning for born i barnehage og ei ordning for born i SFO.

Gjeldande søskenmoderasjon i barnehage og SFO, kvar for seg, er som følgjer:

For fyrste barn betalar du vanleg pris

For barn nummer to får du 30 % syskenmoderasjon

For barn nummer tre og fleire får du 60 % syskenmoderasjon

Med ny søskenmoderasjon, uavhengig om barna går i barnehage eller SFO, er det naturleg å vidareføra same moderasjonsordning som ein allereie har, men då utan skilje mellom barnehage og SFO

Søskenmoderasjon for foreldre med barn både i barnehage og SFO vert då som følgjer:

For fyrste barn betalar du vanleg pris

For barn nummer to får du 30 % syskenmoderasjon

For barn nummer tre og fleire får du 60 % syskenmoderasjon

Moderasjonen rekna ut for barna som går i SFO.

30 % søskenmoderasjon i SFO utgjer om lag kr. 7 975,- årleg pr. barn

60 % søskenmoderasjon i SFO utgjer om lag kr. 15 950,- årleg pr. barn

Kostnadar knytt til ny ordning for søskenmoderasjon er rekna til om lag kr. 200 000,- årleg.

Reduksjon for familiar med låg inntekt

Ei ordning med reduksjon i foreldrebetaling for familiar med låg inntekt har blant anna som føremål å utjamne sosial ulikskap.

Barnehage har allereie ei nasjonal ordning som seier at ein har rett på redusert pris om:

- maksprisen for ein barnehageplass er høgare enn 6 prosent av den samla inntekta til hushaldninga
- den samla inntekta til hushaldninga er lågare enn 533.500 kroner

Tal frå barnehagane i Vaksdal viser at om lag 22 % av borna i barnehagen får vedtak om redusert foreldrebetaling. Gjennomsnittleg reduksjon ligg på 33 % av ordinær pris, men her er det store variasjonar. Reduksjon i inntekter til barnehage har vore på om lag 14 % det siste året

Den enkelte familie må søkje om redusert foreldrebetaling og dokumentasjonskrav er siste års sjølvmelding. Inntekstgrunnlaget skal spegle dei **faktiske** skattepliktige inntektene. Dersom søkjar har skattepliktig person - og kapitalinntekt som ikkje står på sjølvmeldinga, er dei pliktig til å opplyse om dette. Dersom søkjar ikkje kan leggje fram sjølvmelding må annan dokumentasjon leverast. Dette kan

for eksempel vere lønsslipp frå arbeidsgjevar, eller inntekt frå NAV.

Rådmannen vurderer at ei ordning med redusert foreldrebetaling for familiar med låg inntekt lik barnhage si vil vera føreseieleg for foreldre. Føresette vil òg sleppa å senda dokumentasjon både til barnehage og SFO. Vurdering og vedtak kan administrerast saman når makspris og grunnlag for utrekning er det same.

Reduksjon i inntekter basert på erfaringstal frå barnehage vil vera om lag kr. 230 000 årleg for SFO.

Oppsummering

Med utgangspunkt i vurderingane for dei ulike reduksjonane/moderasjon i foreldrebetaling vert forslag til fordelinga av den totale ramma på 1 mill. slik:

- Generell reduksjon i foreldrebetaling kr. 570 000,-
- Ny ordning for søskenmoderasjon kr. 200 000,-
- Reduksjon for familiar med låg inntekt kr. 230 000,-